

۱ رجب سنه ۱۳۳۵

پنجشنبه

۲۶ نيسان سنه ۱۳۳۳

صاحب امتیاز و مدیر مسئول حسن کاظم

ملت غنائیه — امت اسلامیہ ایچون، نمید اولان آثاره
صحیفه لر من آجیقدر درج ایدلمیان اوراق اعاده ایدلمزه

استنبولده باب عالی جوارنده ابوالسمود جاده سنده
نجم استقبال مطبعه سنده اداره خانه من اصحاب
مراجعاته هر ساعت آجیقدر

نجم الاسلامی

شمیلاک اون بش کونده بر نشر اولنور

سر محرری: مصطفی فوزی

تاریخ تاسیسی ۱۳۲۷ سنه هجری

سنه لک اعتباریه ممالک شامانه ایچون پشین
اوله رق ۴۰ الی ایللی ۲۵ غروش و ممالک

اجنیه ایچون ۱۵ فرانقدر

تلفون نومروسو : ۱۰۹۷

نسخه سی ۱ غروش

تصوفی ، دینی ، اخلاقی ادبی ، سیاسی جریده اسلامیة در

نومرو ۱۲۷

تشویق تعاون

بولقی ایسترسهك سعادت ای کریم ذوالعطا
لطف و تسریر بنامی اك كوزل بر رهنا

هب تعاوندر بزه امر الهی ؛ امر دین
« اقرضوا » نص جلیل بشقه بر برهان دها

حق بیورمش [لایضیع الله اجر المحسنین]
هیج یلان سویلرمی حاشا حضرت ذوالکبریا

لذت عظمیا بودر انسان ایچون وجدان ایچون
بر تصدقدر بوکه الله مدیوندر سکا

ثروت و سامانه آلدانق عبثدر آدمه
منم و محسنلرکدر اك معظم اعتلا

راحت و اقبال دنیا ایستین اهل یسار
زمره اخوانه قارشی آیلسون بذل وفا

خیره صرف نقدایدن انسانه وارمطلق رفاه
آیت قرآنله ثابتدر بو علوی مدعا :

لطفك اولسون مستزید ایسترسهك اولمق مستفید
« اولسهده فاسق حیب اللهدر اهل سخا »

ایشته برحمت سکا [والباقیات الصالحات]
نقد و ثروت مال و حشمت هبسی لاشی، لا بقا

نقدینی عاجزلرك امدادینه صرف ایتمین
صافلاسون زیر ترابه ثروت دوزخنا !

رجب و حی

مار یار :

فلسفه

تفصیل

علم تصوف

بِسْمِ اللَّهِ الرَّحْمَنِ الرَّحِيمِ

مراتب الهیه اوچدر ذات : تعین اول ، صفات : تعین ثانی ،
افعال : تعین ثالث .

مرتبه احدیته سر الهی ، مرتبه صفاته روح سلطانی ، مرتبه
افعاله قلب انسانی اطلاق اولنور . (بالقوه مبدأ) عالم لاتعین اولان
مرتبه ذاتدر . (بالفعل مبدأ) اول منازل هویت حق اولان تعین

اول مقامیدر که احدیت مرتبه سیدر لاتعین مالئک ظلیدر بوکا ام الکتاب
ونقطه بسیطه دیرلر شئونات ذات غیبیه در صفات الهیه بو شئوناتک
مظاهریدر .

بانك نقطه موحده سی مرتبه ذات اشارتدر .
تانك ایکی نقطه سی مرتبه صفاته اشارتدر .
تانك اوج نقطه سی مرتبه افعاله اشارتدر .

(با) امام قاشانی مصطلحاتنده (الباء یشاربه الی اول الموجودات
الممكنه وهو الرتبة من الوجود) عبارده سیله تعریف اولمشدر .
حضرت علی کرم الله وجهه ورضی الله عنہك (انا النقطة تحت
البا) کات حقایق ایاتی سر انسانک مبدأ وکیته و حقیقت محمدیه نک
جمیته اشارتدر بالجملة نفوس و ارواح و صور اجسام و مرکبات و غصیریات
عالم علمده مستعد اولدقلری صورت مخصوصه ایله اندن تولد ایدرک
ظهوره کملشدر .

(احد) مرتبه ذات اطلاق اولنور انده تعین یوقدر ذات حق
بومرتبهده (غنی) اسمیله مبادر ذات بحث بو مرتبه نک مافوقیندر
انده اسم رسم صفت موصوف یوقدر . (احدیت) مرتبه ذاتدن صکره
تعین اولدرکه علم الهی و اعیان ثابته و صور معقوله مرتبه سیدر بوکا
ذات احدیت دخی دیرلر .

اعیان ثابته و صور معقوله علم الله موجود اولان اشیانک عین
ثابته سننه دینلور . (واحد) اسما ایله موصوف اولدینی حالده ذات
الهیه اطلاق اولنور (واحدیت) مرتبه صفات الهیه درکه ذات
واحدیت صورتیدر (احد) مرتبه سننده (غنی) اسمیله یاد اولنان وجود
ذات مطلق کبار محققین (الان علی ماکان علیه) لیس علی الکیون
من الله اثر ولا علی الله من الکیون اثر) تعیراتیه ظلالات اسمائه
وعوالم مادیه و معنویه دن تجرید ایدرلر زیر (ان الله لغنی عن العالمین) .
دهکی اولان (غنی) لفظ شریفندن مقصد وجود ذات مطلقک نسب
واضافتدن عاری اولرق انفرادینه اشارتدر دیورلر . جناب حق
کائناتی خلقی ایتمزدن مقدم وجود بذاته نه کونه قائم ایسه خلقی ایتمکدن
صکره ینه اوله در و اشیا ایله قیامی یوقدر عرضک جوهرله قیامی کبی
جوهر دخی دکدر . جوهر مرنه قدر بذاته قائم اولانه دینلیور ایسه ده
عرض مقابلی و عرضک محلی اولمغله حادثدر ذات حق عرضده دکدر .
زیرا عرض بذاته قائم اولمیا نه دیرلر .

(حق) من جهة الذات احد ومن جهة الصفات واحددر حقک
صفاتی جهتدن شئونات ذاتیه سی نامتناهیدر . واحدیتدن احدک ظهوری
مشاهده اولنورسه اکا شهود عینی دیرلر مرتبه ظندن یقینه ارتقادر .
زیرا واحدیت مرتبه سی اولان اسما و صفات نسب و اضافات قیاندندرکه
ربوبیت مرتبه سننه دلالت ایدر و اول مرتبه نک تفصیلی عالم و مختصری
آدمدر عالم آینه اسما و آدم مرآت مبادر عالم ادمک و آدم دخی حقک
صورتیدر (خلق الله آدم علی صورته) بو سری ناطقدر . بونلرک